

BOSNA I HERCEGOVINA
FEDERACIJA BOSNE I HERCEGOVINE
**FEDERALNA UPRAVA ZA
INSPEKCIJSKE POSLOVE**
SARAJEVO

BOSNIA AND HERZEGOVINA
FEDERATION OF BOSNIA AND HERZEGOVINA
**FEDERAL ADMINISTRATION FOR
INSPECTION AFFAIRS**
SARAJEVO

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
**ФЕДЕРАЛНА УПРАВА ЗА
ИНСПЕКЦИЈСКЕ ПОСЛОВЕ**
САРАЈЕВО

Broj: 01-04-13-04713/2020
Sarajevo, 05.11.2020.godine

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 11-11-2020			
Org. jed.	Broj	Priloga	Vrijednost
05/2	-02-	209	20

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA**

N/P- Sekretar mr.sci. **Izmir Hadžiavdić**

veza vaš akt br. 05/2-02-209/20 od 6.10.2020.godine

N/P- delegat **Ramo Isak**

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE
GENERALNI SEKRETARIJAT VLADE**
N/P- Sekretarka- mr. sci. **Edita Kalajdžić**

PREDMET: Odgovor na delegatsko pitanje, dostavlja se

Poštovani/a,

Federalna uprava za inspekcijske poslove zaprimila je dana 8.10.2020.godine akt Doma naroda Parlamenta Federacije BiH koji je delegatsko pitanje, uvaženog delegata Isak Rame.

Između ostalih organa, i to JP Autoceste Federacije BiH i Federalne uprave policije, uvaženi delegat je zatražio da mu i inspekcijski organi dostave informaciju iz aktivnosti koje su poduzeli u okvirima svoje nadležnosti u vezi odlaganja ogromne količine materijala koja se odlaže u poslovnoj zoni Zenica od strane Autocesta.

Prema navodima delegata, JP Autoceste navodno plaćaju po jednu KM po metru kubnom vlasnicima zemljišta i gradu Zenica za odlaganje materijala, a budući da je jedan od vlasnika zemljišta i supruga gradonačelnika, da se provjeri Ugovor koji je potpisani između Grada Zenica i Autocesta, kao i da se provjere da li učesnici ovog

posla imaju sve zahtijevane dozvole za odlaganje materijala, te da mu se da na uvid kompletan finansijski izvještaj vezano za pomenute aktivnosti.

U pripremi odgovora na postavljena pitanja, učestvovao je Federalni Urbanističko-ekološki Inspektorat, putem građevinskog i ekološkog federalnog inspektora, koji su izvršili nadzor nad gradnjom autoceste koridora VC, zaobilaznica Grada Zenica na lokalitetu u poslovnoj zoni Zenica Jug.

Inspekcijski nadzor izvršen je nad subjektom "EURO-ASFALT" d.o.o. Sarajevo, u svojstvu izvođača radova, dana 22.06.2020. godine na lokaciji trase magistralnog gasovoda Zenica-Travnik, koji prolazi preko parcele k.č.488/3 K.O. Perin Han, u mjestu Perin Han, Grad Zenica. Obavljajući inspekcijski nadzor, po službenoj dužnosti, federalni građevinski inspektor, je neposrednim opažanjem na terenu i uvidom u predloženu dokumentaciju konstatovao sljedeće:

- izvođač za navedene radove ne posjeduje saglasnost od JP "BH-GASA" d.o.o. Sarajevo za izgradnju deponije na predmetnoj lokaciji,
- u trenutku inspekcijskog nadzora ne vrše se nikakvi radovi,
- na terenu je vidljivo da je na udaljenosti, cca 10 metara, od oznaka koje obilježavaju trasu magistralnog gasovoda, u pravcu linije magistralnog gasovoda, izvršeno deponovanje materijala iz iskopa u visini cca 3,00m i dužini od cca 50,00m.

Predstavnik izvođača radova je postupajućem federalnom inspektoru dao na uvid sljedeću dokumentaciju:

- Rješenje o odobrenju za građenje na koridoru Vc poddionica Vranduk-Ponirak broj: UPI/03-23-2-356/18 od 18.01.2019.g. čiji je sastavni dio separat projekta odlagališta materijala iz iskopa;
- Separat projekta odlagališta materijala iz iskopa autoceste na koridoru Vc - lokalitet "ANTENA" iz jula 2018.g. koji je sastavni dio glavnog projekta i pratećih studija za izgradnju koridora Vc;
- Sporazum o saradnji i međusobnim obavezama za obezbjeđenje i uređenje odlagališta materijala prilikom izvođenja radova na izgradnji autoceste Koridora Vc na području Grada Zenice broj 02-49-9696/18 od 04.04.2018.g. potpisani između gradonačelnika Grada Zenice i direktora JP "AUTOCESTE FBiH" d.o.o. Mostar gdje se spominje lokacija deponije "ANTENA";
- Sporazum o isplati pravične naknade za nepotpuno ekspropriisane nekretnine između JP "BH-GAS" d.o.o. Sarajevo i vlasnika zemlje Zekanović Save;
- Kupoprodajni ugovor o prodaji zemljišta, potpisani od strane Zekanović (Nikola) Savo i TD "EKOR-KOMERC" d.o.o. Zenica;
- Sporazum o korištenju zemljišta u svrhu trajnog odlaganja materijala i transporta potpisani između TD "EKOR-KOMERC" d.o.o. Zenica i "EURO-ASFALT" d.o.o. Sarajevo.

Ugovor koji je potpisani nije dat inspektoru na uvid jer je po izjavi predstavnika izvođača njihov primjerak nalazi u centrali u Sarajevu.

Pored ovog odlagališta federalni građevinski i ekološki inspektorji vršili su nadzor i većih odlagališta na koridoru Vc –zaobilaznica Zenica i to:

- avgust 2019.godine, nadzor na odlagalištu Novo Selo za koje JP Autoceste Sarajevo **nema potrebne dozvole**, na temelju čega je postupajući inspektor izdao upravnu mjeru rješenjem kojim je naloženo uklanjanje odloženog materijala. Na rješenje inspektora, stranka je izjavila žalbu, koju je drugostepeni organ, odbio kao neutemeljenu i potvrđio prvostepeno rješenje. Naložena mjera uklanjanja odloženog materijala nije izvršena, te je postupajući inspektor, pokrenuo prekršajni postupak izdavanjem prekršajnog naloga.
- septembar 2019.godine nadzor kod JP Autoceste i Cengiz Sanayi ve Ticaret vezano za odlagalište Jelovik.Za odlagalište Jelovik je izrađen „Projekat odlagališta materijala od iskopa“ u julu 2019.godine, **također bez potrebnih dozvola i zvaničnog odobrenja** Grada za korištenje lokacije za odlaganje. Nakon nalaganja aktivnosti legaliziranja odlaganja otpada od iskopa, potpisana je ugovor između grada Zenica, JP Autoceste i izvođača Cengiz Sanayi ve Ticaret kojim su precizirane obaveze kod pribavljanja potrebnih saglasnosti. Izvođač radova je posao upite nadležnim organima i zatražio mišljenje o proceduri pribavljanja potrebnih dozvola koje rješavanje je još uvijek u toku.

Što se tiče zahtjeva za uvid u kompletan finansijski izvještaj vezano za pomenute aktivnosti odlaganja materijala, uvaženog delegata obavještavamo da nismo u stanju postupiti po njegovom zahtjevu, jer isto nije nadležnosti ove inspekcije.

S poštovanjem,

Dostavljeno:

- 1 x Sekretar mr.sci. Izmir Hadžiavdić
1 x Delegat- Ramo Isak
1 x Generalna sekretarka Vlade FBiH- mr.sci. Edita Kalajdžić
1 x a/a

